

Litaba za Mwa Lihatiso Zebonisizwe Mwa Buka ya Mukopano wa Bupilo ni Bukombwa

NOVEMBER 2-8

LITABA ZA BUTOKWA ZEZWA MWA LINZWI LA MULIMU | EXODA 39-40

“Mushe Naalatelezi Litaelo ka Tokomelo”

(Exoda 39:32) Ka mukwa ocwalo, musebezi kaufela wa tabernakele, yona tende ya makopanelo, wafela, mi Maisilae baeza lika kaufela zanaalaezwi Mushe ki Jehova. Baeza honacwalo feels.

w11 9/15 27 ¶13

Kana Mwa Zibwa Ki Jehova?

¹³ Kono Mushe yena naashutana hahulu ni Kora. Mushe “neli mutu yaishuwa hahulu kufita batu kaufela bane bali mwa lifasi.” (Num. 12:3) Naabonisize musa wahae ni buikoko-bezo ka kueza feels ka mwanaa mulaelezi Jehova. (Exo. 7:6; 40:16) Hakuna nto yebonisa kuli Mushe naakakanya-nega mwanaaezeza lika Jehova kamba kuli naanyemanga kabakala kuli naatokwa kulatelela litaelo za Jehova. Ka mutala, Jehova naofile litaelo kaufela za mone iswane-la kuyahelwa tabernakele, zewale ka mubala wa bwanda ni palo ya mañomelelo zene batokwa kuitusisa kuli balu-ke masila a tabernakele. (Exo. 26:1-6) Haiba muokameli mwa kopano ya Mulimu amifa litaelo za mwakuezeza nto ni nto, fokuñwi mwakona ku zwafa. Kono Jehova ki muokameli yapetehile. Ufanga batanga bahae musebezi mi wabasepa kuli baka ueza hande. Haiba alufa litaelo zeñata, unani libaka leliut wahala laezeza cwalo. Mushe naasika nyemela Jehova kamba kunahana kuli Jehova naasa mukuteki bakeñisa kumufa litaelo zeñata-ñata. Naasika nahana kuli Jehova naampalelwisa kuba ni tukuluhu. Kono Mushe naabulezei babeleki kuli baeze ona cwalo feels mwanaa balaezei Jehova. (Exo. 39:32) Mushe naaikokobeza luli! Naaziba kuli naaeza musebezi wa Jehova mi naaitusisa ki yena kuli apete musebezi wo.

(Exoda 39:43) Mushe hatatuba musebezi kaufela one ba-eize, abona kuli neba uezize kulikana ni mwanaalaezei Jehova; mi Mushe abafuyola.

(Exoda 40:1, 2) Jehova kihaa li ku Mushe: ² “Ka lizazi la-pili mwa kweli yapili, ukatoma tabernakele, yona tende ya makopanelo.

(Exoda 40:16) Mushe aeza kaufela zanaa mulaezi Jehova. Aeza honacwalo feels.

w05 7/15 26 ¶3

Kana Mwa Sepahala Mwa Lika Kaufela?

³ Maheberu 3:5 ibulela kuli “Mushe naasepahala ka kuba sikombwa.” Ki sifi sene sikonisize mupolofita Mushe kuba ya-sepahala? Tabernakele hane iyahiwa ni kutomiwa, “Mushe

aeza kaufela zanaa mulaezi Jehova. Aeza honacwalo feels.” (Exoda 40:16) Ka kuba balapeli ba Jehova, lubonisa kuse-pahala halu musebeleza ka kuipeya kumuutwa. Seo kaniti siama kusepahala ku Jehova halutalimana ni litiko zetuna. Kono kutiyela litiko zetuna haki kona feels kokubonisa kuli lwasepahala luli. Jesu naaize: “Mutu yasepahala ku zenyinyani usepahala ni ku zetuna, mi mutu yasika luka ku zenyinyani hasika luka ni ku zetuna.” (Luka 16:10) Lulukela kuzwelapili kusepahala nihaiba mwa tutaba totukana twa-bonahala bunyinyani.

Kubatisisa Litaba za Butokwa za Kwa Moya

(Exoda 39:34) sikwahezo sayona sa matalo a lingu sesi-lombilwe bufubelu, sikwahezo sayona sa matalo a liñibi, lisila la fa munyako;

it-2 884 ¶3

Litalo la Ñibi

Mone balifumanela Maisilaele. Haiba linzwi la ta’chash le-liitisizwe mwa Bibele litalusa mufuta omuñwi wa ñibi, taba yeo itahisa kuli batu baipuze mone kukonahalela kuli Maisilaele bafumane litalo la ñibi. Nihaike kuli liñibi lifumaneha hahulu mwa libaka za Arctic ni Antarctic, liñibi zeñwi litab-e-la hahulu libaka zecisa. Kacenu mufuta omuñwi wa liñibi obizwa monk usapila mwa kalulo yeñwi ya Liwate la Medite-ranea, mi hape ni mwa mawate amañwi afumaneha mwa libaka zecisa. Ka lilimo zeñata, batu batahisize kuli palo ya liñibi ifukuzehe, mi mwa linako zene iñolwa Bibele mwendi li-folofolo ze, neli zeñata mwa Liwate la Mediteranea ni Liwate Lelifubelu. Kwa mafelelezo a silimo sa 1832, buka yeñwi ya mwa puo ya Sikuwa (*Calmet’s Dictionary of the Holy Bible*, like. 139) neitalusize kuli: “Mwa lioli zenyinyani za kwa Liwate Lelifubelu, kupotoloha sikuli sa Sinai, liñibi zafumaneha teñi.”

(Exoda 40:34) Mi lilu lakala kukwahela tende ya makopanelo, mi kanya ya Jehova yatala mwa tabernakele.

w15 7/15 21 ¶1

Kana ki Kwa Butokwa Kuli Mutu Yomuñwi Alemuhe Muse-bezi Wamina?

Tabernakele hane ifelile kuyahiwa, “lilu lakala kukwahela tende ya makopanelo, mi kanya ya Jehova yatala mwa tabernakele.” (Exo. 40:34) Nto yeo neibonisize kuli Jehova naatable hahulu! Munahana kuli Bezalele ni Oholiabi nebaikutwile cwañi ka nako yeo? Nihaike kuli mabizo abona naasika ñolwa fa lika zene ba pangile, balukela kuba bane batabile kuziba kuli Mulimu naafuyozu buikatazo bwabona kaufela. (Liprov. 10:22) Mwa lilimo zenetatami, ka niti, nebatibale hahulu hane baboni kuli lika zene ba pangile nelizwelapili kuitusisa mwa bulapeli bwa Jehova. Habaka zusiwa kwa bafu ni kupila mwa lifasi lelinca, kusina kukakan-ya, Bezalele ni Oholiabi bakataba hahulu habaka ziba kuli

tabernakele neiitisisizwe mwa bulapeli bwa niti ka lilimo zebato eza 500!

Kubala Bibele

(Exoda 39:1-21) Baluka ka bukwala liapalo za kusebelisa mwa sibaka sesikenile ka bwanda bwa mubala wa ndilu, boyo bwa folofolo bwa mubala wa pulipela ni bwanda bwa bufubelu bobutona. Baezeza Aruni liapalo zekenile, sina Jehova mwanaalaezi Mushe. ² Aeza efoda ka gauda, bwanda bwa mubala wa ndilu, boyo bwa folofolo bwa mubala wa pulipela, bwanda bwa bufubelu bobutona, ni line yende yeotilwe. ³ Batula liemba za gauda kulieza bupapatii bobusisan-sisani, mi yena abusehaka kubueza mihala ya kuluka hamoho ni bwanda bwa mubala wa ndilu, boyo bwa folofolo bwa mubala wa pulipela, bwanda bwa bufubelu bobutona, ni line yende, mi zakabiswa. ⁴ Baezeza efoda tusila twa fa maheta tone tungungekilwe, mi netungungahanya efoda fa maheta amabeli. ⁵ Mi lukanda loluindilwe, lone lusweli kwa efoda, lwa kutamisa efoda ka lona, neluezizwe ka lisila leliswana ni la efoda, ka gauda, bwanda bwa mubala wa ndilu, boyo bwa folofolo bwa mubala wa pulipela, bwanda bwa bufubelu bobutona, ni line yende yeotilwe, sina Jehova mwanaalaezi Mushe. ⁶ Kiha bakwesa macwe a onikisi mwa tuñetana twa gauda, mi bacakula fateñi mabizo a bana ba Isilaele, sina mokucakulelwaa sikanto sa kukantisa. ⁷ Abeya macwe fa tusila twa fa maheta twa efoda kuli abe macwe a kupuzo kwa bana ba Isilaele, sina Jehova mwanaalaezi Mushe. ⁸ Kihona aeza poniso ya fa sifuba ka bukwala bwa mukabisi, ili ka bukwala bobuswana ni bobu kwa efoda, ka gauda, bwanda bwa mubala wa ndilu, boyo bwa folofolo bwa mubala wa pulipela, bwanda bwa bufubelu bobutona, ni line yende yeotilwe. ⁹ Neilikanelela mwa maneku ayona amane haiputiwa fahali. Baeza poniso ya fa sifuba, ili yeo haiputiwa fahali, neli ya butelele ni bupala bobulikana ni butelele bobu mawahala munwana omutuna ni munwana omunyinyani, minwana ya lizoho haiyanduluzwi. ¹⁰ Babeya mwateñi mibamba yemine ya macwe. Mwa mubamba wapili babeya mwateñi licwe la rubi, la topazi, ni la emerald. ¹¹ Mwa mubamba wabubeli babeya mwateñi licwe la tekosi, la safiro, ni la jaspe. ¹² Mwa mubamba wabulaalu babeya mwateñi licwe la leshemi, la agate, ni la ametisto. ¹³ Mi mwa mubamba wabune babeya mwateñi licwe la krisolito, la onikisi, ni la jade. Bakwesa macwe ao mwa tukwati twa gauda. ¹⁴ Palo ya macwe ao neilikana ni palo ya mabizo a bana ba Isilaele ba 12, mi mabizo naacakuzwi ku leliñwi ni leliñwi la macwe ao sina mokuezezwanga ka sikanto sa kukantisa, fa licwe ni licwe nekucakuzwi libizo lililiñwi kwa mabizo a masika a 12. ¹⁵ Kiha baeza mawenje abondilwe akubeya kwa poniso ya fa sifuba, sina mihala ya gauda yekenile. ¹⁶ Mi baeza tuñetana totubeli twa gauda ni masale amabeli a gauda mi babeya masale amabeli ao mwa makona amabeli a poniso ya fa sifuba. ¹⁷ Hasamulaho, bacomeka mihala yemibeli ya gauda mwa masale amabeli a mwa makona a poniso ya fa sifuba. ¹⁸ Kihona bakenya lingo zepeli za mihala yemibeli mwa tuñetana totubeli mi

bakwesa tuñetana kwa tusila twa fa maheta, fapilaa efoda. ¹⁹ Kutuha fo, baeza masale amabeli a gauda ni kuabeya mwa makona amabeli a mwahala a kwatasaa poniso ya fa sifuba, kutalimana ni efoda. ²⁰ Kiha baeza masale amañwi a gauda amabeli, mi baabeya fapilaa efoda, mwatasaa tusila totubeli twa fa maheta, ili bukaufi ni foingungahanel, fahalimwaa lukanda loluindilwe lwa efoda. ²¹ Kwa mafelelezo, batama poniso ya fa sifuba ka muhala wa mubala wa ndilu ozwa kwa masale ayona kuya kwa masale a kwa efoda, ilikuli poniso ya fa sifuba itiiswe cwalo mwa sibaka sayona fa efoda, fahalimwaa lukanda loluindilwe, sina Jehova mwanaalaezi Mushe.

NOVEMBER 9-15

LITABA ZA BUTOKWA ZEZWA MWA LINZWI LA MULIMU | LIVITIKE 1-3

“Mulelo wa Linubu”

(Livitike 1:3) “Haiba nubu yahae ki nubu ya kucisa yezwa mwa mutapi wa likomu zahae, uswanela kuunga poho yeikitile. Uswanela kuitisa ka kulata kwahae fapilaa Jehova kwa munyako wa tende ya makopanelo.

(Livitike 2:1) “Cwale haiba mutu ufa Jehova nubu ya bubeke, nubu yahae iswanela kuba ya fulaulo yenekile, uswanela kuisela oli ni kuibeya insense yesweu.

(Livitike 2:12) “Mwakona kulitiseza Jehova sina nubu ya mitamuno, kono haliswaneli kucisiwa fa aletare sina nubu ya munko omunati.

it-2 525

Linubu

Linubu za kucisa. Linubu za kucisa nelifiwanga ka mutumbi ku Mulimu; nekusina kalulo ya folofolo yene ikutisezwanga ku mutu yanaafile nubu ili yalapela Jehova. (Mubapanye Baat. 11:30, 31, 39, 40.) Folofolo mutumbi neibonisa kuli mufani wayona naaikupela kuli Jehova aamuhele nubu yahae, kamba kuli Jehova abonise kuli uiamuhezi, kukopanyezeza cwalo ni nubu ya sibi yefiwangwa hamoho ni linubu ze ka linako zeñwi. Ka kuba sina “nubu ya kucisa,” Jesu Kreste naaifanile ka kutala.

it-2 528 ¶4

Linubu

Linubu za bubeke. Linubu za bubeke nelifiwanga hamoho ni linubu za kuiakela, linubu za kucisa, mi hape sina mitamuno; ka linako zeñwi nelisa fiwangi hamoho. (Exo. 29:40-42; Liv. 23:10-13, 15-18; Num. 15:8, 9, 22-24; 28:9, 10, 20, 26-28; kauha. 29.) Linubu ze kaufela nelibonisa kuli Maisilaele nebalemuhile kuli Mulimu ki yena yanaa bafuyola ni kuba tusa kuba mwa buiketo. Hañata limbuyoti zeo nelifiwanga hamoho ni oli ni insense yesweu. Linubu za bubeke zene kona kufiwa nelikopanyezeza fulaulo yenekile, bubeke bobubesizwe, kamba linkwa za laundi zenani lisuba fahali kamba

mañende a masiani ze beselizwe fa libesezo kamba mwa pani. Zeñwi kwa linubu za bubeke nelibewanga fa aletare ya linubu za kucisa, zeñwi ku zona neliciwanga ki maprisita, mi mutu ya lapela Jehova ili yafile nubu nakona kuca kwa nubu ya kuiakela. (Liv. 6:14-23; 7:11-13; Num. 18:8-11) Linubu za bubeke zene besezwanga fa aletare nelisa swaneli kubewa mumela kamba "linosi" (mwendi kuama kwa mulo okambile hahulu wa lifeiga kamba wa litolwana) ili zekona kubeya mu-mela mwa linubu ze.—Liv. 2:1-16.

(Livistike 3:1) "Haiba nubu yahae ki sitabelo sa kuikabela mi izwa mwa mutapi wa likomu, ibe kuli ki poho kamba sitole, uswanela kutisa komu yeiketile fapilaa Jehova."

it-2 526 ¶1

Linubu

Linubu za kuikabela (kamba linubu za kozo). Mutu yanaafa nubu ya kuikabela ka nzila yetabisa Jehova naabonisa kuli nali mwa kozo ni yena. Mutu yo ni lubasi Iwahae neba-ca nubu yeo (mwa lapa la tabernakele; ka sizo, minganda neiyahelwanga mwa lapa la tabernakele; mwa tempele, mi-zuzu ya kucela neilukiswanga). Muprisita yanaalukisa nubu yeo naafiwanga kabelo yahae, mi baprisita babañwi bane basebeleza kwa tabernakele zazi leo ni bona nebaifiwa kabelo yabona. Jehova yena naaamuhelanga muunko omunati wa mafula anaacisiwanga. Mali ayemela bupilo naafiwa ku Mulimu kuli ki ahae. Kacwalo, nekuswana feela inge kuli baprisita, mutu yanaafa nubu, ni Jehova nebasweli kuca sico hamoho, ili kubonisa kuli nebaswalisana ka kozo. Mutu yanaaca nubu yeo asika kena (ili kusakena ka nzila ifi kamba ifi yebulezwi mwa Mulao) kamba yanaaca nama yayona yebulukilwe kufitelela nako yetomilwe (yenese kalile kufuta ka nako yekucisa) naaswanela kuzwiswa mwa sicaba sa habo. Mutu yo naasilafaza kamba kushwaulisa nubu yeo, bakeñisa kuli naasika kena kamba kuli naacile nto yesika kena mwa meeto a Jehova Mulimu, ili kusabonisa likute kwa lika zeke-nile.—Liv. 7:16-21; 19:5-8.

Kubatisisa Litaba za Butokwa za Kwa Moya

(Livistike 2:13) "Nubu kaufela ya bubeke yeueza iswanela kulungiwa lizwai; mi kwa nubu yahao ya bubeke hauswane-li kulibala kubeya kwateñi lizwai leli kuhupulisa tumelelano yahao ni Mulimu. Nubu kaufela yeueza ilungiwe lizwai.

(Ezekiele 43:24) Ulife ku Jehova, mi baprisita balukela ku-lisasa lizwai ni kulifa ku Jehova sina nubu ya kucisa yefiwa mutumbi.

w04 5/15 22 ¶1

Zezwile Mubano Mwa Liñolo la Livitike

2:13—Ki kabakalañi lizwai hane lifiwa 'hamoho ni linubu kaufela'? Seo nesisa ezezwi kunatifaza matabelo. Mwa lifasi kaufela, lizwai liitutiswa kwa kutibela lico kubola. Kubon-hala kuli nelifiwanga ni matabelo kakuli liyemela kusasilafala ni kusabola.

(Livistike 3:17) "Wo ki mulao wa kamita kwa masika ami-

na kaufela, kai ni kai komupila: Musike mwaca mafula afi kamba afi kamba mali afi kamba afi."

it-1 813

Mafula

Libaka mulao wo hane utomilwe. Mwa tumelelano ya Mu-lao, mali ni mafula neliingiwa kuli ki za Jehova feels. Bupilo bu mwa mali, mi ki Jehova feels yakona kufa bupilo; kacwalo mali ki a Jehova. (Liv. 17:11, 14) Mafula naangiwa kuba kalulo yende hahulu kwa nama ya folofolo. Kufa mafula sina nubu nekubonisa kuli likalulo zende ka kufitisisa ki za Jehova, yena yalufanga ka buñata zelutokwa, mi nekubonisa kuli mutu yanaafa nubu yeo naanani takazo ya kufa Mulimu lika zende ka kufitisisa. Bakeñisa kuli mafula neli sisupo sa kuli Maisilaele nebalapela Jehova ka lika zabona zende ka kufitisisa, nebalaezwi kuli bano atushanisezanga fa aletare sina "lico" ni kuli atahise "munko omunati" ku Mulimu. (Liv. 3: 11, 16) Kacwalo, kuca mafula neli kuitusisa ka mafosisa lika zanaakenisize Mulimu, ili kuikungela tukelo ya Jehova. Mutu yanaaca mafula naakona kubulaiwa. Kono ka kushutana ni mali, mafula naakona kuitusisa kwa misebezi yemiñwi, hai-ba neli a folofolo yeishwezi kamba yebulailwe ki sibatana.—Liv. 7:23-25.

w04 5/15 22 ¶2

Zezwile Mubano Mwa Liñolo la Livitike

3:17. Bakeñisa kuli mafula naangiwa kuba kalulo yende ka kufitisisa, kaniso ya kusaca mafula mwendi neibonisa Maisilaele kuli nto yende ka kufitisisa ki ya Jehova. (Gene-se 45:18) Seo silubonisa kuli luswanela kufa Jehova zende ka kufitisisa.—Liproverbia 3:9, 10; Makolose 3: 23, 24.

Kubala Bibele

(Leviticus 1:1-17) Mi Jehova abiza Mushe mi abulela ku yena inzaa li mwa tende ya makopanelo, ali: ² "Bulelela Maisilaele, uli: 'Yomuñwi wamina habata kufa Jehova nubu ya limunanu, uswanela kuunga nubu yeo kwa likomu zahae, kwa lingu zahae, kamba kwa lipuli zahae." ³ "Haiba nubu yahae ki nubu ya kucisa yezwa mwa mutapi wa likomu zahae, uswanela kuunga poho yeiketile. Uswanela kuitisa ka kulata kwahae fapilaa Jehova kwa munyako wa tende ya makopanelo. ⁴ Abeye lizoho lahae fahalimwaa toho ya nubu yeo ya kucisa, mi ikaamuhelwa kuli libi zahae likwahelwe. ⁵ " Mi pohwana yeo iswanela kubulaelwa fapilaa Jehova, mi bana babashimani ba Aruni, bona baprisita, bakatisa mali ayona ni kuto asasa kwa manuku kaufela aletare ye kwa munyako wa tende ya makopanelo. ⁶ Nubu ya kuci-sa yeo iswanela kubuiwa ni kupumakiwa litunula-tunula. ⁷ Bana ba Aruni, bona baprisita, baswanela kubeya mulilo fa aletare ni kulukisa likota fa mulilo. ⁸ Bana ba Aruni, bona baprisita, bakabaakanya litunula za nubu zeo hamoho ni toho ni lisuzo fa likota ze fa mulilo o fa aletare. ⁹ Mala ayona ni litaku zayona likatapiswa ka mezi, mi muprisita uswanela kuitshanisa kaufelaa yona fa aletare sina nubu ya kucisa, yona nubu yeciswa ka mulilo ya munko omunati ku Jehova. ¹⁰ "If his offering for a burnt offering is from

the flock, from the young rams or the goats, he should present a sound male.¹¹ Iswanelu kubulaelwa fapilaa Jehova kwa neku la mutulo wa aletare, mi bana ba Aruni, bona baprisita, bakasasa mali ayona kwa maneku kaufela a aletare.¹² Iswanelu kupumakiwa litunula-tunula, mi muprisita uka libaakanya hamoho ni toho yayona ni lisuzo layona fa likota ze fa mulilo o fa aletare.¹³ Mala ni litaku zayona likatapiswa ka mezi, mi muprisita uswanelu kuitisa kaufela yona ni kuitushanisa fa aletare. Ki nubu ya kucisa, yona nubu yeciswa ka mulilo ya munko omunati ku Jehova.¹⁴ “Kono haiba mutu ufa linyunywani sina nubu ya kucisa ku Jehova, uswanelu kuunga nubu yeo kwa maiba kamba kwa linkwilimba zabana.¹⁵ Muprisita uka itisa fa aletare, aipume toho, ni kuitushanisa fa aletare, kono mali ayona aswanela kulotisezwu kwa neku leliñwi la aletare.¹⁶ Uswanelu kuzwisa suyelo sayona ni mafufa ayona mi alilatele kwatuko a aletare, kwa neku la upa, kokuyumbelwanga mufuse.¹⁷ Uka ipazula fahali fa makopanelo a mafufa asaikauhanyi kuba liemba zepeli. Mi muprisita uka itushanisa fa aletare fa likota ze fa mulilo. Ki nubu ya kucisa, yona nubu yeciswa ka mulilo ya munko omunati ku Jehova.

NOVEMBER 16-22

LITABA ZA BUTOKWA ZEZWA MWA LINZWI LA MULIMU | LIVITIKE 4-5

“Mufe Jehovah Lika Zende ka Kufitisisa”

(Livitike 5:5, 6) “Haiba aba ni mulatu kabakala kueza yeñwi ya lika zeo, fohe aipulele sibi saezize.⁶ Hape atiseze Jehovah nubu ya mulatu bakeñisa sibi saezize, fo kikuli, azwise folofolo yamusali mwa mutapi, ili ngunyana yamusali kamba pulinyana yamusali, kuli ibe nubu ya sibi. Mi muprisita ukaiza sebelezo ya kukwahela sibi sa mutu yo.

it-2 527 ¶9

Linubu

Linubu za mulatu. Linubu za mulatu hape nelifiwa mutu haeza sibi. Mulao wanaafile Mulimu kwa Maisilaele neubonisa kuli mutu yaezize sibi naanani mulatu. Linubu za mulatu nelifiwa haiba mutu aeza libi za mifuta yemiñwi. Nellishutana hanyinyani ni linubu zeñwi zenefiya bakeñisa sibi. Kubonahala kuli linubu za mulatu nelifiwanga haiba mutu afoseza mutu yomuñwi. Mutu yaezize sibi yo naafoselize Jehovah kamba mutu yomuñwi. Nubu ya mulatu neithisa kuli Jehovah awalele sifosi yabakile ni kuli sifosi yo asike afiwa koto kabakala sibi sahae.—Mubapanye Isa. 53:10.

(Livitike 5:7) “Kono haiba apalelwa kuzwisa ngu, atiseze Jehovah maiba amabeli kamba tunkwilimba twabana totubeli sina nubu ya mulatu bakeñisa sibi saezize; nyunywani iliñwi ki ya nubu ya sibi mi yeñwi ki ya nubu ya kucisa.

w09 6/1 26 ¶3

Mulimu Wautwisia Mapalelw Aluna

Mulao neubonisa kuli Jehovah waiyakatwa hahulu batu ka

kubulela kuli: “Haiba apalelwa kuzwisa ngu, atiseze Jehovah maiba amabeli kamba tunkwilimba twabana totubeli.” (Timana 7) Manzwi a kuli “haiba apalelwa” akona kutolokawa hape kuli “haiba izoho lahae halifiti.” Haiba Muisilaele naashebile hahulu kuli mane naasakona kufa ngu, Mulimu naamuhela zanaakona kufa Muisilaele yo ili maiba amabeli kamba tunkwilimba twabana totubeli.

(Livitike 5:11) “Cwale haiba apalelwa kuzwisa maiba amabeli kamba tunkwilimba twabana totubeli, fohe atise fulaulo yenekile, yeeza kalulo iliñwi ya tikanyo yeya halishumi mwa efa kuli ibe nubu ya sibi bakeñisa sibi sahae. Asike aisela oli kamba kuibeya insense yesweu, kakuli ki nubu ya sibi.

w09 6/1 26 ¶4

Mulimu Wautwisia Mapalelw Aluna

Kono kucwañi haiba mutu naasakoni kufa nihaiba linyunywani zepeli? Mwa Mulao nekubulezwi kuli: “Fohe atise fulaulo yenekile, yeeza kalulo iliñwi ya tikanyo yeya halishumi mwa efa [likomoki ze 8 kamba ze 9] kuli ibe nubu ya sibi bakeñisa sibi sahae.” (Timana 11) Ku batu bane bashebile hahulu, Jehovah naalumeleza mutu yacwalo kufa nubu ya sibi yesina mali. Kwa Maisilaele, bubotana nebusa palelwisi mutu kutuswa ki sitabelo sakukwahela libi kamba tohonolo ya kutahisa kozo ni Mulimu.

Kubatisisa Litaba za Butokwa za Kwa Moya

(Livitike 5:1) “Haiba mutu autwa pizo ya kuyo fa bupaki, mi ki paki wa taba yeo kamba uiponezi yona kamba uu-twile zayona, kono habibi taba yeo, uezize sibi, mi fohe ukaikalabela bakeñisa bufosi bwahae.

w16.02 30 ¶14

Muitute Kwa Batanga ba Jehovah Babasepahala

¹⁴ Ni mina mwakona kusepahala pili ku Jehovah ni kwa batu babañwi ka kuba ni musa. Ka mutala, mwendi mwakona kuba ni bupaki bwa kuli muzwale kamba kaizeli uezize sibi sesituna. Mukana mwa bata kusepahala kuyena, sihulu hai-ba ki mulikanaa mina yomutuna kamba mwendi ki yomuñwi wa mwa lubasi Iwamina. Kono hape mwaziba kuli ki kwa butokwa hahulu kusepahala ku Jehovah. Kacwalo ka kuswana ni Natani, muutwe litaelo za Jehovah, kono hape mube ni musa ku muzwale wamina. Mumubulelele kuli uswanelu kataluseza baana-bahulu kuli bamutuse ni kuli uswanelu kuyo ipiha kapili-pili. Haiba asaezi cwalo, mina muswanelu kataluseza baana-bahulu taba yeo. Hamueza cwalo, mubonisa kuli mwasepahala ku Jehovah. Mi ka nako yeswana, mubonisa musa ku muzwale wamina bakeñisa kuli baana-bahulu bakona kumutusa kuba ni silikan sesinde ni Jehovah hape. Baka muhakulula ka nzila yende ni yebunolo.—**Mubale Livitike 5:1; Magalata 6:1.**

(Livitike 5:15, 16) “Haiba mutu apalelwa kusepahala ka kueza sibi asika lela, ka kuloba mulao wa za lika zekenile za Jehovah, aange ngu yamuuna yeiketile mwa mutapi ni

kuitiseza Jehova sina nubu ya mulatu; teko yayona ka lishekele za silivera itomiwe ka kuya ka shekele ya sibaka sesikenile.¹⁶ Mi ukalifa kulikana ni sibi safoselize sibaka sesikenile mi hape kwa tifo yeo ukaekeza kwateñi kalulo yabuketalizoho ya teko ya lika zeo. Aife muprisita, iliku li muprisita amuezeze sebelezo ya kukwahela sibi sahae ka kuitusisa ngu yamuuna ya nubu ya mulatu, mi mutu yo ukaswalelw.

it-1 1130 ¶2

Bukeni

Lifolofolo ni Lico. Poho, ngu ya muuna, ni puli ya muuna za maizibulo neli zekenile ku Jehova mi nelisa swaneli kuliululwa. Neliswaneli kufiwa sina sitabelo, mi kalulo yeñwi neifiwanga kwa baprisita. (Num. 18:17-19) Lico za mitamuno ni zabulishumi ni zona neli zekenile, sina feela mwanaabezi matabelo kaufela ni limpo zenefiwa kabakala sebelezo ya kwa sibaka sesikenile. (Exo. 28:38) Lik a kaufela zekenile ku Jehova nelisa swaneli ku keshebisiva kamba kuitusisa sina mone liituisseza lika zeñwi kaufela, kamba kusilafazwa. Ka mutala, mulao wa zabulishumi neubonisa kuli, haiba mutu aipulukela kalulo yeñwi ya lika zaswanela kufa sina nubu yabulishumi, inge cwalo buloto bwahae, mi yena kamba yomuñwi wa mwa lubasi lwahae aitusisa zona kueza sico ka kusaziba, mutu yo naanani mulatu wa kuloba mulao wa lika zekenile. Mulao neubonisa kuli mutu yo naaswaneli kufa sitabelo sa ngu yamuuna yeiketile ya mwa mutapi wahae, kihona alifa tifo yekwanile ya lico zeo ni kuekeza fateñi litikanyo zepeli. Ka libaka leo, batu nebaku-teka hahulu lika zekenile zefiwa ku Jehova.—Liv. 5:14-16.

Kubala Bibele

(Livitike 4:27-5:4) “Haiba yomuñwi wa batu ba na ha aeza sibi ka kusalela mi aba ni mulatu ka kueza yeñwi ya linto zalaesi Jehova kuli haliswaneli kueziwa,²⁸ kamba haiba afita fa kulemuha sibi saezize, fohe uswaneli kutisa puli yamwana, yamusali, yeiketile, sina nubu yahae bakeñisa sibi saezize.²⁹ Abeye lizoho lahae fahalimwaa toho ya nubu ya sibi yeo ni kuibuela mwa sibaka sesiwana mokubulaelwanga linubu za kucisa.³⁰ Muprisita ukaanga kwa mali a puli yeo ka munwana wahae ni kuabeya fa manaka a aletare ya linubu za kucisa, mi aange mali asiyezi kaufela a puli yeo ni kuasela kwatasaa aletare.³¹ Azwise mafulla ayona kaufela, sina moazwizezwa mafula a sitabelo sa kuikabela, mi muprisita ukatishanisa mafula ao fa aletare sina nubu ya munko omunati ku Jehova; mi muprisita ukaeza sebelezo ya kukwahela libi za mutu yo, mi mutu yo ukaswalelw.³² “Kono haiba afa ngunyana sina nubu yahae ya sibi, uswaneli kutisa ngunyana yamusali yeiketile.³³ Abeye lizoho lahae fahalimwaa toho ya nubu ya sibi yeo ni kuibulaya sina nubu ya sibi mwa sibaka mokubulaelwanga linubu za kucisa.³⁴ Muprisita ukaanga kwa mali a nubu ya sibi yeo ka munwana wahae ni kuabeya fa manaka a aletare ya linubu za kucisa, mi ange mali asiyezi kaufela a ngunyana yeo ni kuasela kwatasaa aletare.³⁵ Azwise

mafula ayona kaufela, sina mwazwizezwa mafula a ngunyana yamuuna ya sitabelo sa kuikabela, mi muprisita uka litushanisa fa aletare fahalimwaa linubu zecisezwa Jehova ka mulilo; mi muprisita ukaeza cwalo sebelezo ya kukwahela sibi saezize mutu yo, mi mutu yo ukaswalelw.

5 “Haiba mutu autwa pizo ya kuyo fa bupaki, mi ki pak wa taba yeo kamba uiponezi yona kamba uutwile zayona, kono habibi taba yeo, uezize sibi, mi fohe ukaikalabela bakeñisa bufosi bwahae.² “Kamba mutu hangunyuta nto yesika kena, ibe kuli ki situpu sa folofolo yesika kena, situpu sa simunanu sesisika kena, kamba situpu sesiñwi sa libupiwa zesika kena zezamaya sikutu, mutu yo hasika kena mi unani mulatu niha salemuhi saezize.³ Kamba haiba mutu, ka kusalemuha, angunyuta nto yesika kena ya mibili wa mutu—nto ifi kamba ifi yesika kena yekona kumusilafaza—mi ufita fakuziba saezize, fohe ukaba ni mulatu.⁴ “Kamba haiba mutu amatukela kukonka kuli ukaeza nto yeñwi—ibe kuli ki kueza nto yende kamba yemaswe, kusina taba kuli ki nto mañi—mi naasika lemuha zateñi, kono cwale ule-muha kuli naamatukezi kukonka, mutu yo ukaba ni mulatu.

NOVEMBER 23-29

LITABA ZA BUTOKWA ZEZWA MWA LINZWI LA MULIMU | LIVITIKE 6-7

“Sisupo sa Buitumelo”

(Livitike 7:11, 12) “Cwale ki wo mulao wa sitabelo sa kuikabela seo mutu akona kutiseza Jehova:¹² Haiba asitisa sina sisupo sa buitumelo, ukatisa sitabelo sa buitumelo hamohi ni linkwa za laundi zenani lisuba fahali, zesika ya mumela zelubilwe ka oli, mañende amasisani asika ya mumela alambilwe oli, ni linkwa za laundi zenani lisuba fahali zeezizwe ka fulaulo yenekile, zelubilwe hande, zekopanyizwe ni oli.

w19.11 22 ¶9

Lituto Zeluituta Mwa Buka ya Livitike

9 Tuto yabubeli: Lusebeleza Jehova bakeñisa kuli lubata kubonisa buitumelo bwaluna ku yena. Kuli luutwisise hande taba ye, halunyakiseseñi nto yeñwi ya butokwa yene baezanaga Maislale ba kwaikale hane balapela Jehova, ili yeama linubu za kuikabela. Buka ya Livitike ibonisa kuli Muisilalee naafanga sitabelo sa kuikabela “sina sisupo sa buitumelo.” (Liv. 7: 11-13, 16-18) Naafanga sitabelo seo kabakala kuli naabata kueza cwalo isiñi ka libaka la kuli naatamehile kueza cwalo. Kacwalo, mutu naaitatelanga kufa sitabelo seo bakeñisa kuli naalata Mulimu wahae Jehova. Mutu yanaafanga sitabelo sa folofolo naaikabelanga nama yasona ni lubasi lwahae ni baprisita. Kono likalulo zeñwi za folofolo yeo nelifiwanga feela ku Jehova. Ki likalulo lifi zona zeo?

(Livitike 7:13-15) Ukatisa nubu yahae hamohi ni linkwa za laundi zenani lisuba fahali zeile mumela ni matabelo

ahae a kuikabela a buitumelo.¹⁴ Azwise sinkwa silisiñwi kwa nubu ni nubu kuli ibe nubu yekenile yefiwa Jehova; ikaba ya muprisita yasasa mali a matabelo a kuikabela.¹⁵ Nama ya matabelo ahae a kuikabela a buitumelo, iswanelia kuciwa ka lizazi lafa nubu yeo. Haswaneli kubuluka sesiñwi sayona kuisa kakusasana.

w00 8/15 15 ¶15

Matabelo A Naatabisize Mulimu

¹⁵ Sitabelo sesiñwi sa kuitatela neli sitabelo sa buitumelo, sesatalusizwe kwa Livitike kauhanyo 3. Pulelo yeo hape ikona kutolokiwa kuli "sitabelo sa linubu za kozo." Mwa Siheberu, linzwi la "kozo" halitalusi feela kusaba mwa ndwa kamba mwa zizeyi. Buka ye bizwa *Studies in the Mosaic Institutions*, ili: "Mwa Bibebe, kwandaa zeo, pulelo yeo hape italusa muinelo wa kuba mwa kozo ni Mulimu, kuonyoka, kuikola, ni kutaba." Kacwalo, matabelo a buitumelo naasa felwangi kubata kueza kozo ni Mulimu, inge ki kumuombalisa, kono naafelwanga kuitumela, kamba kutabelo muinelo wa kuba mwa kozo ni Mulimu one balikuona ba naalumelela yena. Baprisita ni mufi wa sitabelo neba canga nama ya sitabelo hamulaho wa kufa mali ni mafula ku Jehova. (Livitike 3:17; 7:16-21; 19:5-8) Ka nzila yende yeo ya swanisezo, mufi wa sitabelo, baprisita, ni Jehova Mulimu neba ca sico hamoho, ili nto yeswaniseza swalisanayo kozo yeneli mwahalaa bona.

(Livitike 7:20) "Kono mutu ufi kamba ufi yasika kena yaca nama ya sitabelo sa kuikabela sa Jehova, mutu yo ulukela kubulaiwa, azwiswe mwa sicaba sahabo.

w00 8/15 19 ¶8

Matabelo A Milumbeko A Tabisa Jehova

⁸ Kucwañi ka za mufi wa sitabelo seo? Mulao neubulezi kuli mutu ya naaka taha fapilaa Jehova naanani kuba ya kenile, yasanyazahali. Mutu yanaasilafezi kabakala nto ifi kamba ifi pili naanani kueza sitabelo bakeñisa sibi kamba sitabelo bakeñisa mulatu kuli hape a kene fapilaa Jehova. Kihona sitabelo sahae sa kucisa kamba sa buitumelo nesika amuheawa ki Jehova. (Livitike 5:1-6, 15, 17) Kacwalo, kana Iwabona butokwa bwa kuba babakenile kamita fapilaa Jehova? Haiba lubata kuli Mulimu aamuhele bulapeli bwa luna, luswanela kuitilela ka bubebe haiba lulobile milao ya Mulimu. Luswanela kuakufa kuitusisa lituso zalufile Mulimu, za kuba ni "baana-bahulu ba puteho" ni "sitabelo sa swalelo ya libi," yena Jesu Kreste.—Jakobo 5: 14; 1 Joani 2:1, 2.

Kubatisisa Litaba za Butokwa za Kwa Moya

(Livitike 6:13) Mulilo ukana ukotezwa kuli uzwelepili kutuka fa aletare ka nako kaufela. Hauswaneli kutima.

it-1 833 ¶1

Mulilo

Mulilo wa kwa tabernakele ni kwa tempele. Mulilo neli kalulo ya bulapeli bone bueezwa kwa tabernakele mi hasamulaho ni kwa tempele. Zazi ni zazi kakusasana ni mwahalaa manzibwana amabeli, muprisita yapahami naaci-

sanga insense fa aletare ya insense. (Exo. 30:7, 8) Mulao wa Mulimu neubonisa kuli mulilo wa fa aletare ya linubu za kucisa neusaswaneli kutima. (Liv. 6:12, 13) Majuda ba ka sipepo baanga kuli mulilo wa fa aletare neutumbuzwi ka makazo ki Mulimu, kono taba yeo hailumelelani ni Mañolo, nihaike kuli ilumelwa ki batu babañata. Ka kuya ka taelo ya Jehova ya kwa makalelo ku Mushe, bana ba Aruni nebaswanelia "kubeya mulilo fa aletare ni kulukisa likota fa mulilo" pili basika beya kale folofolo ya sitabelo fa aletare. (Liv. 1:7, 8) Mi mulilo one uzwa ku Jehova, ili wo mwendi neuzwelela mwa lili lene lili fahalimu a tabernakele, neubonahezi *hamulaho* wa kutoziwa kwa Aruni ni bana bahae sina baprisita, ni hamulaho wa kucisiwa kwa sitabelo sa kubeiwa kwa bona fa buprisita, mi neucisize feela zenesiyeti fa aletare. Kacwalo, mulilo wo neubonahezi isi ka mulelo wa kutukisa likota, kono kuli ucise "nubu ya kucisa ni likalulo-kalulo za mafula ze fa aletare." Mi mulilo one uzwezipili kutuka fa aletare, mwendi neli mulilo one uzwa ku Jehova okopani ni mulilo one uliteñi kale fa aletare. (Liv. 8:14-9:24) Ka mukwa oswana, mulilo ozwa ku Jehova neucisize matabelo hamulaho wa tapelo ya Salumoni ka nako yene ikakulwa tempele.—2 Makol. 7:1; mubone hape Baat. 6:21; 1 Male. 18:21-39; 1 Makolo. 21:26 kuli mubone mitala yemiñwi yebonisa mo Jehova naaitusiselize mulilo kuli abonise kuli uamuhezi linubu za batanga bahae.

(Livitike 6:25) "Bulelela Aruni ni bana bahae, uli: 'Wo ki ona mulao wa nubu ya kucisa: Mwa sibaka mokubulaelwanga nubu ya kucisa, ki mona hape mokuswanelia kubulaelwa nubu ya sibi fapilaa Jehova. Ki nto yekenile ha-hulu.'

si 27 ¶15

Buka ya Bibebe Yabu 3—Livitike

¹⁵ (3) Sitabelo bakeñisa sibi satok wahala kwa neku la sibi sesi si kalelwa, kamba sibi sesiezizwe ka mafosisa. Mufuta wa folofolo yefiwa uitingle fa mayemo a muezalibi ya bata swalelo—wa muprisita, sicaba kamukana, nduna, kamba mutu-tu fela. Ka kufaphana ni matabelo a kuitatela a kucisa ni a buitumelo a batu ka buñwi, sitabelo bakeñisa sibi sinani kueziwa.—4:1-35; 6:24-30.

Kubala Bibebe

(Livitike 6:1-18) Jehova aekeza kubulelela Mushe kuli:

² "Haiba mutu aeza sibi ni kupalelwa kusephala ku Jehova ka kupuma mwanahabo yena kuamana ni nto yebailwe mwa pabalelo yahae, kamba nto yebulukisizwe ku yena, kamba haiba auzweza mwanahabo yena kamba kuunga nto yeñwi ku yena ka bupumi,³ kamba afumana nto yelatehile mi ubulela buhata ka za nto yeo, mi haiba aikonka ka buhata ka za sibi sifi kamba sifi sesicwalo saezize, uswanelia kueza cwana: ⁴ Haiba uezize sibi mi unani mulatu, ulukela kukutisa sanaabukuzi yomuñwi, saaangile ka bupumi, nto yenebeilwe mwa pabalelo yahae, kamba nto yenelatehile yanaafumani,⁵ kamba nto ifi kamba ifi yanaaikonkile ka buhata, mi ulukela kulifa sesilikana

ni teko ya nto yeo, mi kwa tifo yeo ukaekeza kwateñi kalulo yabuketalizoho ya teko ya nto yeo. Uka ikutiseza muñaa yona ka lizazi lakahumanwa ni mulatu.⁶ Mi ukaanga ngu yamuuna yeiketile mwa mutapi, ka kuya ka teko yetomi-lwe, aitiseze muprisita sina nubu ya mulatu wahae yafa ku Jehova, kuli ibe nubu ya mulatu.⁷ Muprisita uka mueenza sebelezo ya kukwahela sibi sahae fapilaa Jehova, mi mutu yo ukaswalelwa nto ifi kamba ifi yanaaezize yetisi-ze kuli abe ni mulatu.”⁸ Jehova aakeza kubulelela Mushe kuli:⁹ “Laela Aruni ni bana bahae babashimani, uli: ‘Ki wo mulao wa nubu ya kucisa: Nubu ya kucisa ikasiyalia fa liiso la aletare busihu kaufela kuisa kakusasana, mi mulilo ukana ukotezwa kuli uzwelepili kutuka fa aletare.¹⁰ Muprisita ukaapala liapalo zahae za buprisita za line, mi ukatina kaputula ka line kuli akwahele mubili wahae. Mi ukazwisa mufuse wa nubu yecisizwe ka mulilo fa aletare ni kuube-ya kwatuko a aletare.¹¹ Kihona akatubula liapalo zahae ni kuapala lisili mi aise mufuse wo kwa sibaka sesikenile kwande a mafulo.¹² Mulilo ukana ukotezwa kuli uzwelepili kutuka fa aletare. Hauswaneli kutima. Muprisita uswanela kucisa likota fateñi zazi ni zazi kakusasana ni kulukiseza fateñi nubu ya kucisa, mi atushaniseze fateñi matabelo a kuikabela.¹³ Mulilo ukana ukotezwa kuli uzwelepili kutuka fa aletare ka nako kaufela. Hauswaneli kutima.¹⁴ ‘Cwale wo ki ona mulao wa nubu ya bubeke: Mina bana ba Aruni muswaneli kutahisa nubu yeo fapilaa Jehova, fapilaa aletare.¹⁵ Yomuñwi wa ku bona ukañwata lizoho lelitezi la fulaulo yenekile ya nubu ya bubeke ni oli yayona ni insense yesweu kaufela yeinzi fa nubu ya bubeke, mi uka litushanisa fa aletare kutahisa munko omunati, ibe nubu ya kupuliso ku Jehova.¹⁶ Sesisiyezi kwateñi sikaciwa ki Aruni ni bana bahae babashimani. Sikacelwa mwa sibaka sesikenile sina sinkwa sesisika ya mumela. Baka sicela mwa lapa la tende ya makopanelo.¹⁷ Hasiswaneli kubesawa ka nto ifi kamba ifi yenani mumela. Nibafile sona kuli ibe kabelo yabona yezwa kwa linubu zaka, zeciswa ka mulilo. Ki nto yekenile hahulu, sina nubu ya sibi ni sina nubu ya mulatu.¹⁸ Muuna kaufela mwahalaa bana ba Aruni ukaca kwateñi. Ki kabelo yabona ya kamita mwahalaa masika amina kaufela yezwa kwa linubu za Jehova zeciswa ka mulilo. Nto kaufela yengunyuta linubu zeo ikaba yekenile.’”

NOVEMBER 30–DECEMBER 6

LITABA ZA BUTOKWA ZEZWA MWA LINZWI LA MULIMU | LIVITIKE 8–9

“Sisupo sa Buitumelo”

(**Livitike 8:6–9**) Mushe kihaa tisa Aruni ni bana bahae babashimani fakaufi mi abatapisa ka mezi.⁷ amulaho wa fo, aapesa Aruni siapalo sesitelele, amutama lukanda, amupesa koti yesina mazoho, ni kumutinisa efoda mi atama efoda ka lukanda loluindilwe lwa efoda, amutama lona ka kutiisa.⁸ Kuzwa fo, amubeya poniso ya fa sifuba mi abe-

ya Urimi ni Tumimi mwa poniso ya fa sifuba yeo.⁹ Mi amutinisa kuwani kwa toho, mi fapilaa kuwani abeya fateñi pipi ya gauda ya bupapat yebenza, sona sisupo sesikenile sa buineelo, sina Jehova mwanaalaezi Mushe.

(**Livitike 8:12**) Kwa mafelelezo, aanga kwa oli yeo ya kutozisa, aisela fa toho ya Aruni mi amutoza ilikuli amukenise.

it-1 1207

Kubeiwa fa Buprisita

Mushe naatapisize Aruni ni bana bahae bo Nadabi, Abihu, Eliazare, ni Itamare (kamba, naabalaezi kuyo tapa) mwa mukeke wa kopa one uli mwa lapa la tabernakele, mi aape-sa Aruni liapalo zende za muprisita yapahami. (Num. 3:2, 3) Ka kuapeswa liapalo zeipitezi zeo, Aruni naafilwe liapalo zene bonisa mikwa ni buikalabelo bwanaanani bona mwa musebezi wanaafilwe. Mushe cwale kihona atoza taberna-kele, lisebeliso zayona kaufela, ni aletare ya linubu za kucisa, hamohocwalo ni mukeke ni lisebeliso kaufela zeitusiswa kwa tabernakele. Kueza cwalo nekutahisize kuli libe zekenile, ili zebulukezwi kuitusiswa feela kwa sebelezo yabona ya bupri-sita. Kwa mafelelezo, Mushe atoza Aruni ka kumusela oli fa toho.—Liv. 8:6–12; Exo. 30:22–33; Samu 133:2.

(**Livitike 9:1–5**) Ka lizazi labu 8, Mushe abiza Aruni ni bana ba Aruni babashimani ni baana-bahulu ba Islalee.

² Ali ku Aruni: “Uunge namani yeiketile ya nubu ya sibi ni ngu yamuuna yeiketile ya nubu ya kucisa, mi ultise fapilaa Jehova.³ Kono Maisilae ubabulelele, uli: ‘Muunge puli yamuuna yekafiwa sina nubu ya sibi, ni namani ni ngunya-na yamuuna, za silimo silisiñwi ili zeiketile, zekafiwa sina nubu ya kucisa,⁴ ni poho ni ngu yamuuna za matabelo a kuikabela, kuli lifiwe Jehova sina matabelo, ni nubu ya bubeke yelubilwe ka oli, kakuli kacenu Jehova ukaiponahaza ku mina.’”⁵ Kiha baisa lika zeo kaufela fapilaa tende ya makopanelo, sina mwanaa balaelezi Mushe. Cwale sicaba kaufela sataha mi sayema fapilaa Jehova.

it-1 1208 ¶8

Kubeiwa fa Buprisita

Fa lizazi labu 8, baprisita bao bane basazo beiwa mwa se-belezo yabona, bakala kueza sebelezo yabona ya buprisita Iwapili (basatusiwi ki Mushe), balukisa nubu ya sebelezo ya kukwahela libi za Maisilaele. Kwandaa sibi sabona sa ka si-pepo, Maisilaele sihuhi nebatokwa kukaniswa kwa sibi sene basazo eza sa kulapela namani ya gauda, ili sene sitahisize kuli basike batabelwa ki Jehova. (Liv. 9:1–7; Exo. 32:1–10) Kwa mafelelezo a sebelezo ya baprisita bane basazo toziwa bao, Jehova abonisa kuli naabalumelelize mwa sebelezo yeo ka kuluma mulilo ka makazo, mwendi ili kuzwelela mwa lili lene lili fahalimwaa tabernakele, mi wacisa zenesiyezi kwa si-tabelo zeneli fa aletare.—Liv. 9:23, 24.

(**Livitike 9:23, 24**) Kwa mafelelezo, Mushe ni Aruni bakena mwa tende ya makopanelo mi bazwa mwateñi mi bafuya-ula sicaba. Cwale kanya ya Jehova yabonahala kwa sicaba,²⁴ mi kwataha mulilo ozwa ku Jehova mi wakalisa kucisa nubu

ya kucisa ni likalulo-kalulo za mafula ze fa aletare. Batu kamukana hababona cwalo, bakala kuhuweleza mi baku-bama banze bainamiselize lipata zabona fafasi.

w19.11 23 ¶13

Lituto Zeluituta Mwa Buka ya Livitike

¹³ **Tuto yabune: Jehova usweli wafuyaula kalulo ya kopano yahae ya fa lifasi.** Halunyakisiseñi zeneezahezi mwa silimo sa 1512 B.C.E. tabernakele hane itomilwe kwatasaa Lilundu la Sinai. (Exo. 40:17) Mushe naazamaisize mukiti wa kuketa Aruni ni bana bahae babashimani kuli babe baprisita. Sicaba sa Isilaele nesikopani hamoho kuli babone baprisita habafa matabelo a lifolofolo Iwapili. (Liv. 9:1-5) Jehova na-abonisize cwañi kuli naalumezi kuli Aruni ni bana bahae babashimani babe baprisita? Aruni ni Mushe hane banze bafuyaula batu, Jehova atahisa mulilo one ucisize matabelo anaasiyezi fa aletare.—**Mubale Livitike 9: 23, 24.**

Kubatisisa Litaba za Butokwa za Kwa Moya

(**Livitike 8:6**) Mushe kihaa tisa Aruni ni bana bahae babashimani fakaufi mi abatapisa ka mezi.

w14 11/15 9 ¶6

Libaka Haluswanelu Kuba Babakenile

⁶ Taba ya kuli baprisita ba mwa Isilaele nebatokwa ku tapiswanga fa mibili ilutusa cwañi kacenu? Batu babanata beluitutanga ni bona Bibebe balemuhile kuli lu batu ba makete ili babakenile ni kuli lubulukanga libaka za luna za kulapelela inze likenile. Kwandaa zeo, batu babalapela Jehovah baswanelu kuba ni “pilu yekenile.” (**Mubale Samu 24:3, 4;** Isa. 2:2, 3.) Kacwalo, minahano yaluna, lipilu zaluna, ni mibili yaluna liswanelu kuba zekenile halunze lusebeleza Jehovah. Luswanelu kuitekulanga kamita. Fokuñwi mwendi lukatokwa kueza licincheho zetuna kuli lube babakenile. (2 Makor. 13:5) Ka mutala, mutu ya kolobelizwe ili ya buhangas maswaniso a mapunu uswanelu kuipuza kuli, ‘Kana zenieza libonisa kuli ni ya kenile?’ Mutu yacwalo uswanelu kukupa tuso kuli atuhele mukwa omaswe wo.—Jak. 5:14.

(**Livitike 8:14-17**) Cwale atisa poho ya nubu ya sibi, mi Aruni ni bana bahae babashimani babeya mazoho abona fahalimwaa toho ya poho ya nubu ya sibi yeo.¹⁵ Mushe ai-bulaya mi aanga mali ka munwana wahae ni kuabeya fa manaka a aletare kwa maneku kaufela, mi akenisa aletare kuli itokwe sibi, kono aanga mali asiyezi kaufela ni kuase-la kwatasaa aletare, ilikuli akenise aletare ka mulelo wa kuezeza fateñi sebelezo ya kukwahela libi.¹⁶ Hafelize kueza zeo, aanga mafula kaufela a kwa mala, mafula a kwa sibiti, ni lipio zepeli ni mafula azona, mi Mushe alitushanisa fa aletare.¹⁷ Kuzwa fo, alukisa kuli sesisiyezi sa poho, ili litalo layona, nama yayona, ni siloko sayona, liciisiwe ka mulilo kwande a mafulo, sina Jehovah mwanaalaezi Mushe.

it-2 437 ¶3

Mushe

Mulimu ki yena yanaafile Mushe kuba tuyemeli mwa tume-lelano ya Mulao, ili musebezi wo Mulimu asikafa kale ku mutu ufi kamba ufi kwandaa Jesu Kreste, yena Muyemeli wa tumelelano yenca. Mushe naasasize mali a lifolofolo za matabelo fa buka ya tumelelano, yenebonisa tumelelano yeneli mwahalaa Jehovah ni sicaba. Abalela batu buka ya tumelelano, mi batu baalaba bali, “Luitukiselize kueza kaufela zabulezi Jehovah, mi luka muutwa.” (Exo. 24:3-8; Maheb. 9: 19) Ka kuba tuyemeli, Mushe naabile ni tohonolo ya kuoka-mela musebezi wa kuyahiwa kwa tabernakele ni wa kueza liselbeliso zayona kaufela, kulikana ni litaelo zanaamofile Mulimu, ni kubeya baprisita mwa sebelezo yabona, kuto-za tabernakele ni kutoza Aruni muprisita yapahami ka oli yezwakilwe ka nzila yeipitezi. Kihona aokamela sebelezo yapi-ya baprisita bane basazo beiwa mwa sebelezo yabona.—Exo. likauha. 25-29; Liv. kauha. 8 ni 9.

Kubala Bibebe

(**Livitike 8:31-9:7**) Cwale Mushe ali ku Aruni ni bana bahae babashimani: “Muapehe nama kwa munyako wa tende ya makopanelo, mi muicele hona koo hamoho ni linkwa ze mwa sizuma sesiitusiswa hakubeiwa baana fa buprisita, sina mone nilaelezwi kuli: ‘Aruni ni bana bahae babashimani baka lica.’³² Nama yekasiyala ni sinkwa sesika siyala mulicise ka mulilo.³³ Hamulukeli kuzwa kwa munyako wa tende ya makopanelo mwahalaa mazazi a 7, kufitela mazazi a kubeiwa kwamina fa buprisita afela, kakuli mazazi a ku-beiwa kwamina fa buprisita ki a 7.³⁴ Jehovah naalaezi kuli lueze seluezize kacenu ilikuli libi zamina likwahelwe.³⁵ Mukaina kwa munyako wa tende ya makopanelo musihali ni busihu ka mazazi a 7 mi mumamele zatokwa Jehovah, kuli musike mwashwa; kakuli ki mona monilaelezwi.”³⁶ Mi Aruni ni bana bahae babashimani baeza lika kamukana zanaa balaezi Jehovah ka Mushe.

⁹ Ka lizazi labu 8, Mushe abiza Aruni ni bana ba Aruni babashimani ni baana-bahulu ba Isilaele.² Ali ku Aruni: “Uunge namani yeiketile ya nubu ya sibi ni ngu yamuuna yeiketile ya nubu ya kucisa, mi ultise fapilaa Jehovah.³ Kono Maisilae ubabulelele, uli: ‘Muunge puli yamuuna yekafiwa sina nubu ya sibi, ni namani ni ngunyana yamuuna, za silimo silisiñwi ili zeikitile, zekafiwa sina nubu ya kucisa,⁴ ni poho ni ngu yamuuna za matabelo a kuikabela, kuli lifiwe Jehovah sina matabelo, ni nubu ya bubeke yelubilwe ka oli, kakuli kacenu Jehovah ukaiponahaza ku mina.’”⁵ Kiha baisa lika zeo kaufela fapilaa tende ya makopanelo, sina mwanaa balaezezi Mushe. Cwale sicaba kaufela sataha mi sayema fapilaa Jehovah.⁶ Mi Mushe ali: “Seo ki sona samilaesi Jehovah kuli mueze, ilikuli kanya ya Jehovah iiponahalise ku mina.”⁷ Cwale Mushe ali ku Aruni: “Sutelela kwa aletare mi ufe nubu yahao ya sibi ni nubu yahao ya kucisa, mi ukwahele libi zahao ni za ba ndu yahao; mi ufe nubu ya sicaba, mi ukwahele libi zabona, sina mwalaelezi Jehovah.”